


T 3205/3173.83

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY.
OCT 20 1941

15



江陰縣志卷十六

哈佛大學漢和
圖書館珍藏印

知縣長樂蔡 澍雨亭重修

列傳 鄉賢

延陵鄉也君子賢也凡山十字而鄉賢之標準定焉千
百來年嗣芬踵武幾此者尠矣而不虞近日之均堂也
夫澤宮何地有祠焉翼然麗之祀事孔明雖陵谷勿替
非甚盛德其能汗顏當此耶勢位者竊而埒之特一時
之榮耳奚以久而無傲乎然人心之所同然固將溯行
實而想見其爲人也寧惟是宗主勒名而遂謂豎枌榆
之赤幟哉

吳季子札

吳子壽夢第四子壽夢以札賢欲立之札辭不受退耕延陵之野事詳春秋傳及史記吳世家。按

季子讓國來耕其潛德至行有非他人所及知者而論者以為由讓生亂始於獨孤及其後胡康侯傳春秋遂從史其說以傳於夫子書名之例不知夫子特因其來聘而記之如楚椒秦術之流無異辭焉豈有所貶哉明邑令黃公傅論之詳矣載藝文內至延陵十字豐碑古篆照耀千秋邑先正繆公文貞有論亦載古蹟夫碑者表也所以表厥幽也季子之隱慮在家庭骨肉之間苦心調劑不可以告人惟夫子能知之故於其卒也稱嗚呼以弔其人稱有吳以不奪其國稱延陵君子以不沒其志而深致其贊美之詞善夫文貞之論有曰予其兄以讓而不專其名是身有叔齊之節而兄不失伯夷之高也又曰避其兄之子於簞也其立節顯而用意微其抗志嚴而行權與可謂得季子之心者矣嗟乎泰伯之讓讓以賢也季子之賢賢以讓也若季子者豈後世一節一曲之士所可同年而語哉哉今之去古遠矣千八百餘年以來吳宮花草化為荆榛而浦源片石萬古猶芳其清風高節誠有足以廉頑而立懦著昌之俎豆千秋亦猶梅里之於泰伯海虞之於仲雍焉

前宋

吳欣之

利城人元嘉末弟憫之為武進縣史隨主誕起義之詣欽乞代弟命辭涕哀切兄弟皆見原齊建元三年有詔旌表之

宋

葛宮

字公雅舉進士授中正軍掌書記善屬文上太平雅頌十篇真宗嘉之召試學士院進兩階又獻寶符閣

頌為楊億所稱知南劍州土豪彭孫聚黨為盜宮遣沙縣尉許杭諭降之並溪多產銅銀吏挾姦利歲課不登宮一變其法歲羨餘六百萬三司使聞於朝論當賞宮曰天地所產吾盜之可為功乎徒知滁秀二州秀介江湖間吏為關涇瀆上以征徃來間有婚葬趨期者多不克宮命撤毀之歷官工部侍郎熙寧五年卒八十一宮性敦厚恤錄宗黨撫孤嫠類以存者甚眾所著有青暘集二十卷

陳思道

既喪父事母兄以孝弟聞嘗醢為生母病思道衣不解帶者數月母喪水漿七日不入口既葬廬墓悲慟

晝則白兔馴狎夜則虎豹環廬而臥其妻時携兒女詣之拒不納咸平初賜束帛旌其門

葛密

字子發官之弟登進士第為光州推官豪民李斯殺其情出之仕至太常博士年五十請致仕姻黨交止之笑曰俟罪疾老死不得已休官安有餘裕哉即退居青陽之

土湖自號草堂逸老年八十四終為詩家李商隱有西崑高致著上湖集二十卷行世以子書思貴累贈通議大夫

葛書思

字進叔密之子第進士調建德主簿時密尸老迎養不肯一日去親側豈以五十米

移素志哉遂投劾歸養十餘年父卒哀毀骨立盛暑不釋苴麻愛兄獨至仕至朝奉郎乞歸崇寧間特詔賜謚清孝

蔣靜

字叔明本宜興人因內父劉谷居江陰第進士調安仁令俗好巫疫癘流行病者寧死不服藥靜悉論巫

罪毀淫像三百驅投諸江知壽縣奏乾蜂之貢有旨例減其六知陳留縣與屯將不協罷去徽宗初立求言靜上言

多詆元祐間事又獻瑞鳥頌士論少之餘職方員外郎國子司業帝幸太學命講書無逸篇進祭酒為中書舍

以顯謨閣待制知壽州徙江寧府茅山道士劉混康以技進其徒倚為姦利奪民葦塲疆市廬舍訟至府吏不敢治

靜悉抵於法徙睦州移病提舉洞霄宮越九年召為大司成出知洪州後告歸加直學士卒年七十一贈通議大夫

著寂照堂集

葛勝仲

字魯卿書思子紹聖四年進士調杭州司理參軍林希薦試學官通詩書禮三經及詞科俱第一除兗州

教授人為太學正上幸學多獻頌勝仲獨獻賦上命中書第優劣勝仲為首差提舉議歷所檢討官兼宗正丞遷禮

部員外郎權國子司業時朝廷命諸生習雅樂樂成進官遷太常卿宋自建隆至治平所行典禮歐陽修嘗哀集

為書凡百篇號太常因草禮詔勝仲續之增為三百卷詔藏太常及建春宮以勝仲兼諭德勝仲為仁孝學三論獻

之太子復采歷代太子善惡成敗之跡日進數事諸嘉之徙太常少卿除國子祭酒尋知汝州李彥括田破產者舉

勝仲請蠲不當括者彥怒劾勝仲上寢其奏改湖州尋徙鄧州朱勗先求白雀之屬勝仲不與至是媒孽其短罷歸

建炎中范宗尹為相凡前以朋附被罪遠貶者咸赦還復知湖州防盜賑飢皆有功紹興元年丐祠歸十四年卒年

七十三謚文康子立方官侍郎孫邲為右相自有傳

天策 字彥發隱居不仕善詩尤精於書法體兼數家有石刻十卷藏於家政宣間書學方興被詔不就人號曰

呂詒君

吳 範 字執侯大觀政和間詔舉八行閭里以範應守志不就子仲基仲達皆第進士太后回鑾封範承務郎嘗

出貲建縣學東廊十五楹士皆頌之

曹 密 字宗山璉之子以文名世第進士仕至朝奉郎江陰廢郡為縣屬毘陵舊無產稅則例民輸丁鹽錢視他

縣獨倍力請均之郡從其請人皆德之所著有茗溪集鍾山集抱關前後集論語註十篇又子格哀集彙次刊成戲

綵堂稿二十卷樓鑰戴溪為之序格至中奉大夫

葛立方 字常之勝仲之子第進士有文名以郎官攝西掖忤秦檜奪職後任至吏部侍郎所著有歸愚集五十卷

外制集五卷西疇筆畀五十卷韻語陽秋二十卷方輿別志二十卷以子邲贈太師許國公晉越國公

曹 峴 字巨山朝請郎球之子第進士自京口分教受知於節使李寶辟置幕府移檄山東皆其文也詞氣激烈

軍中感動特授左宣教郎終饒州通判

耿 秉 字直之紹興庚辰進士律已清儉以利民為事兩為酒息輸代繼奏本路數邑版賦之重獲蠲減以萬數申請

役法六事遠近遵行之歷官兵部侍郎終煥章待制有春秋傳二十卷五代會史二十卷子

羽以春秋登甲科官大學博士

胡 瑒 字叔章登進士第清約廉介歷三朝由太寮陞諫官論事剴直終中奉大夫寶謨閣待制

邱 密 字宗卿隆興初進士虞允文奇其才舉以自代賜對言恢復之計不可忘恢復之事未易舉宜責內治遵

養十年乃可議北向時方遣范成大使金祈請陵寢密言遣使徒以驕敵孝宗不悅曰卿家墳墓為人所據亦須理

索否密對曰臣但能訴之不能請之孝宗怒察其忠不譴也遷太常博士出知秀州華亭捍海堰久廢鹹潮壞田蘇

湖皆受其害密奏剏築堤成而三州舄鹵復為良田除直秘閣知平江府奏楮幣折閱並以錢會各半天下稱便被

命接伴金使之賀生辰者金歷九月晦與統天歷不合密
 厚接使者徐告以南北歷法異同合從會慶節正日隨班
 上壽金使屈服孝宗喜謂密曰成禮而還卿之力也先是
 土抃為樞密抃排定程頓奏上降付接伴令沿途遵執密
 奏為不可以此啟敵疑心不奉詔抃憾之旋以憂去光宗
 即位召對除太常少卿進戶部侍郎四川安撫制置使兼
 知成都府密素患吳氏世掌兵陞辭奏曰臣入蜀後吳挺
 脫至死亡兵權不宜復付其子挺既死密即奏選他將代
 之廷命張詔代挺以李仁廣副之遂草世將之患進煥章
 閣直學士寧宗即位赴召以中丞謝深甫論罷之居數年
 復職知慶元府既入奏韓侂胄知密平日可與其功名出
 示北伐奏議二千餘言密曰中原淪陷且百年輕舉則首
 事之禍其誰任之進敷文閣學士改知建康府將行侂胄
 曰此事姑為遲之密因贊曰惟無搖於異議侂胄聞金人
 置平章宣撫河南奏以密為簽樞宣撫江淮以應之密手
 書力論金人未必有意敗盟中國當示大體宣撫議寢侂
 胄移書欲除密內職宣諭兩淮密報曰使名雖異示敵以
 嫌疑之蹟則同侂胄滋不悅陞寶文閣學士刑部尚書江
 淮宣撫使時宋師克泗州進圖宿壽既而師潰侂胄議招
 散亡且求自解之計密謂宜明蘇師旦周筠等償師之發

正李汝翼郭倬等喪師之罪密欲全淮東兵力為兩淮聲
 援奏泗州孤立淮北所屯精兵幾二萬萬一金人南出清
 河口及犯天長等城則首尾中斷墮敵計矣莫若棄之還
 軍盱眙從之金人擁衆自渦口犯淮南或勸密棄廬和州
 為守江計密曰棄淮則與敵共長江之險矣吾當與淮南
 俱存亡進端明殿學士侍讀尋拜簽書樞密院督視江淮
 軍馬有韓元靖自北來言兩國交兵北朝皆謂出韓太師
 意今相州宗族墳墓殆不可保語畢始露講解意密以聞
 先遣王文采持書幣以行得金帥簽書辭順繼遣陳璧充
 小使璧回具言金人詰使介既欲和矣何為出兵真州以
 襲我然仍露和意也密白廟堂請自朝廷移書續前議又
 謂彼既指使移書宜暫免係銜侂胄大怒罷密以知樞
 密院事張巖代之既以臺論提舉洞霄宮落職侂胄誅以
 資政殿學士知建康府尋改江淮制置大使兼知建康府
 淮南運使以病丐歸拜同知樞密院事卒謚忠定密儀狀
 魁傑機神英悟嘗慷慨謂人曰生無以報國死願為猛將
 以滅敵志

葛 輔世以儒學名家高祖密至邨五世登科第大
 勝仲至邨三世掌詞命邨少以蔭授建康府上元

承會金人犯江上元當要衝邨不擾而事辦留守張浚王
 綸皆重之登進士第蕭之敏為御史薦其才除國子博士
 輪對於縣受納及鬻爵之弊孝宗獎諭之除著作郎歷
 正言言治亂生於所忽宜專以畏天愛民為先又論
 茶鹽酒稅歲增之害詔令其條陳邨以六事對皆切中時
 病除侍御史論救荒三事累遷中書舍人歲早詔求言邨
 大畧謂虞允文制國用南庫之積日以厚戶部之入日以
 削罷兵以來諸將皆以賂得陞其勢必至於拮克取償宜
 精其選遷給事中為東宮僚屬八年孝宗書安遇二字以
 賜又出梅花詩命邨屬和眷遇甚渥光宗受禪勸上專法
 孝宗正風俗節財用振士氣執中道恤民力選將帥收人
 才擇監司明法令上嘉納除知樞密院事紹熙四年拜左
 丞相專守祖宗法度薦進人物博采公論未期年除觀文
 殿大學士知建康府改隆興請祠寧宗即位邨上疏言今
 日之事莫先於修身齊家結人心定規模判紹興府簡稽
 不遺巨細嘗曰十二時中莫欺自己改判福州道行感疾
 加少保致仕薨年六十六贈少師謚文定配
 饗光宗廟廷有文集二百卷詞業五十卷
吳當可 字時文字仲子登進士第終司農少卿自蘭省入
 柏臺忠言直節名重一時晚歸鄉里徜徉林壑觴咏

自怡平生喜獎後進郡之名士
 多出其門所著有補劄叢稿

出 棊 字元忱紹興三十年進士仕至朝議大夫監察御史
 始為岳渚法掾擅發常平倉賑飢為當路所知編光

廟寬恤詔令又進寶
 鑑論二卷請法藝祖

土 寧 字德和三魁鄉薦乾道丙戌中乙科終中奉大夫直
 徽猷閣逮事三朝凡所敷歷綽有休聞有笑菴集十

卷

趙夢極 字子中官大中大夫給事中開禧初輔翼東宮因論
 兩浙身丁錢絹重為民困轉以上聞御札亟賜蠲放

人多
 德之

吳 筭 字允成第進士敷歷中外所至有聲秘書陳耆卿稱
 其目如電采筆如川駛所交如葉水心適陳龍川亮

皆相器重終太府寺丞子
 行可當可皆以儒科擢第

王呈瑞 字莘夫第進士辛未南省第九人終太湖宰著易膚
 其後有楊端叔字子正第進士丁丑南省第四人終

江東憲幹有自嬉集靳更生字春伯登庚辰進士第終海南教授有南華經解三人皆以文鳴

趙發一名良發字達甫嘉定癸未進士第三人端平初上

謝之命遂寢終秘書省較書郎工部胡郎中鏗狀其行曰和而肅介而通不容容以全不矯矯以異蓋粹然君子儒

也可謂知言矣

胡鏗字伯遠嘉定未登進士第歷知寶慶府工部郎官學

如清苦廉介不改其操嘗有詩云貧居三不往薄宦兩無求三不往謂州郡時富貴室也兩無求謂薦剡財利也由

冊府典名藩同館以詩逸之曰院靜書千卷庭清水一盂身名雖刺史滋味只癯儒聞者以為實錄

包天麟字仁甫孝肅公孫也咸淳四年舉博學宏詞科

稱疾不起詔旌其門曰耆德年八十三而卒手未嘗釋卷邑人號其村曰文林即今文林鎮所自名也弘治中邑人

張簡上書當事請祀鄉賢嘉靖中崇祀子植雲俱甲科植任府學教授善訓誨士子陞樂清縣令見郡志名宦欄任

仁重父渙宋末江陰軍安撫副使

間伯商六南下屋時未冠而志氣強銳率鄉人

州府事累官浙西廉訪副使風裁凜烈剛腸

事約法不聞以尋丈計也合兩家質劑互審

變懼亡去驗之果虛塚也

錢被盜屋名在行者詰之

虞要諸縣檄令同事令道病卒私怨者... 廬為降二等官居嶺北其地蠻獠雜居向化... 獨久不歸或誣其婦與僧有謀指道死... 仁拷掠誣服屋疑死人夏月衣冬衣稍聞旁... 械馬獄中明年其夫自湖北歸獄乃... 談不以... 各... 考... 義莊贍族設塾教里中弟子患民差役不均多... 自立約先自所居化成一鄉分戶九等各出助田... 人之粟輸一人掌之歲終會其成既羨餘乃別買田... 歸其所助行之二十年一鄉之中無病役者皆追思... 進耽吟咏所著有效輦集行世楊維禎... 以其詩謂可次渡江後三詩家之意... 歸雨雞送曉窗燈遣興云門因好客時... 面開皆... 大句也

曾 字仲山居邑之悟空鎮家故饒於財與臺... 給門下者數千指奕會獨被服儒者斯節交... 浙 西偏 老泥飲田間幅巾... 簡侘若與世絕... 見空谷吟... 遠... 從容居貧力... 卒遺命... 鄉賢

字子... 及天文地理律曆醫藥... 以春秋中鄉選宋亡隱居城... 祐設科有司強之就試凡一... 傳縱橫變化莫測其涯際東... 使地幣以聘以老疾不果行... 文 字子... 及天文地理律曆醫藥... 以春秋中鄉選宋亡隱居城... 祐設科有司強之就試凡一... 傳縱橫變化莫測其涯際東... 使地幣以聘以老疾不果行... 文 字子... 及天文地理律曆醫藥... 以春秋中鄉選宋亡隱居城... 祐設科有司強之就試凡一... 傳縱橫變化莫測其涯際東... 使地幣以聘以老疾不果行...

鄉賢

以奇氣自負凡天下郡縣沿革人物土產采
續一日語門人曰以數考之吾州二十年後必在
于五代建炎吾死當葬不食之地勿令封樹庶無累
患其後江陰亂塚墓盡發人乃服其先知有墻東類景
十卷邑中金石之文多出其手筆詳元史賀志云取余漢
唐宋以來文章係民彙世教者類編為書五十卷名師宣

文堂

杜友開

字陽父世居君山之麓家貧資束修以給妻吳氏率
繼助之天歷間歲歉不繼吳昆弟數起處士

墓地墓田可少延性命支關聖不義自處寧不食若粟
吳以歸吳曰夫既盡孝妾獨不義自處寧不食若粟

相枕籍而卒後十一年里人其遺其處獲一古研乃
開故物其銘曰置之而水凝凍如其德之而露滋

其似春惟有德以自潤能不言其德之而露滋

益

字友直號庸齋中至正辛巳江浙儒學教授來游江
父國柱任常州路儒學教授來游江浙

明七鄭詩通春秋石氏之書工文辭下
雅郡中傳記金石之文皆出其手

氣質為先務學徒不遠千里從之學術醇正為世師表自
陸文圭既卒浙以西學者多宗之所著書有三山藁詩緝
餘史傳姓氏纂又有詩傳旁通發揮朱子之學年五十六
卒無子文六長適張端次適孫作生養死葬端實任之葬
黃山之原

王逢

字原吉居黃山號席帽山人又號梧溪子其後避地
無錫梁鴻山未幾遷松江既又移居橫泖卜

從浙東帥孫克復欲兵問故於逢逢曰民非樂亂無父
母耳帥悟一言而活生人之命無算無錫之人橫罹鋒刃

收其遺骨埋之素多善行金陵臺臣薦逢茂才異等浙西
分憲又薦之皆以病辭偽吳張士誠開藩辟士逢不受辟

洪武中郡縣交相薦辟皆不就所著有梧溪集題詠多亂
離時忠孝節烈

事可稱詩史云

單濟之

字君濱乙亥之亂里寇竊發燬其家父兄皆遇害濟
之挺身出救寇亦縛而焚之火半救至脫身獲免早

夜思復讐糾合民兵擒賊磔之讐既復遂問門謝客非慶
弔不入城市不喜與富貴交駟騎闖門輒避匿不見年垂

七十卒屬續之夕索筆賦詩云人皆有死我豈獨仙霧散雲收白月在天

吳方字季仁宋八行先生範七世孫受學陸子方之門諸

號懶菴居士家非甚豐而樂賑人之窮蔡港務官虧稅錢

一千三百緡將鬻女以償方為代輸其人請以女備使令

拒勿納寓官有受代死無所歸者方適自治壽藏讓其地

葬之金華黃潛銘其墓曰動人者義澤物者仁時以為知

李辰字吉父家貧力學有志操縉紳交薦其才名試進功

母卒哀經不釋寢苦蔬食廬墓六年絕意仕進鄉邦賢之

李士龍本沐人父為江陰軍吏因家焉讀書知大義有膂力

撫農閱兵民賴以安長鎗氏掠地至睦士龍率所部擒斬

之寇兵益至力不敵至錦沙泉知勢不可為取槩植地曰

明

孫作字大雅一字次知門人弟子以清尚先生稱之而不

人獨喜其書曰勉成之會有識者至正兵起挈家三吳間

盡棄他物唯載先世藏書兩敝篋而已大尉張士誠聞而

稟祿之卒以母病謝去久之眾為買田築室寓于淞洪武

癸丑朝廷議采天下士纂修日歷時學士宋濂與總裁求

士於禮部尚書牛諒諒首以作對因薦入詔與編修越六

月書奏例除翰林編修官以老病乞外授太平府學教授

三年陞國子助教又明年陞國子司業前後八載皆儒官

作器宇凝靜通亮過人與人交初若秋霜不可狎久如冬

曦不忍去雖或以是非相煽惟自切責不以怨人性無雜

好惟著書自怡宋潛溪先生得其圖說答性難等篇極為

推許以謂王魯齋金仁山許白雲諸公未知孰先後也

張宣端之子字藻仲讀書過目不忘十歲能詩文既長益

後謫濠道卒所著有春秋胡氏傳標註五經標題青陽集
皆未及行行者惟四書點本留刻郡庠其春秋胡氏傳標
註鄱陽周伯琦為序謂其潛
心研采羽翼文定之學云

趙

鉉

字文鼎元至正間祖彥珪父思善聚眾禦賊見執不
屈賊怒盡殲其族鉉方六歲與母吳匿姑夏節婦家
三年賊躡其蹤尋又匿母舅吳士益家賊購之急士益挈
其母子依武林外姻方氏會武林大擾母子相失其姑亦
避兵姑蘇購鉉抱歸育之有義僕承信聚族斬賊報仇後
偽吳平鉉歸桑梓語及母輒涕泣不食一日棄家出曰吾
不見母誓無歸也歷走吳越數十州不獲後遇鬻牛者周
安道于旅邸言狀求得于鄞之晝錦坊各述舊事相抱慟
哭奉母以還蓋母子隔絕者十有八年
孝養其母以壽終論者以此朱壽昌云

吳

鳳

順化鄉人年五十歲未嘗讀書居常賣餽為業晨出
見市餅者出一大錢買之納諸懷中急持而歸人問
其故曰吾以遺吾母也如是者歲以為常又嘗賣骨簪雜
物于市一惡少虐取之鳳不較或嗤其懦鳳曰設吾與較
恐詈及父母也母亡白楸之棺殮以時服又皆貸于人早
夜備作以償既葬母夙與拜墓下具盥盆進餅食如生以

母生前不頰面不食也伐樹枝為居棲號墓側
歷十二寒暑國人言于有司核實詔旌為孝子

孫

宜

字叔誠洪武癸酉以貢授戶部主事改兵部永樂庚
寅晉鞏昌知府鞏昌邇西隣宜至躬行節儉至誠率
物興起士風先是西戎部落時出剽掠聞宜名稍稍歸服
傾歲飢民耕缺種宜解束帶衣袍易蕎麥百斛與之種歲
仍大熟丁內艱軍民上狀借留起公蒞事如故九載秩滿
郡民二千入復詣闕懇留詔進秩正三品階嘉議大夫以
褒之仍治鞏昌平生慷慨有大志事親孝長身玉立言論纏纏
不離鞏昌平生慷慨有大志事親孝長身玉立言論纏纏
不為崖岸休于家者八年手不釋卷非歲時
令節未嘗一至郡縣門其卒也篋無餘物

嚴

本

字志道號高菴其先居崑山之巴城里既冠受父命
傲居江陰邑城北遂占籍焉以句讀為童子師得斗
粟尺布躬負歸以養父喜讀書取五經諸史之要者丹鉛
之以自取衷不務浮華之詞父歿哀毀治喪斥釋道家一
本朱子家禮永樂癸巳詔舉嚴嚴異才吏部郎何澄薦至
京師拜刑部主事遷大理寺正前後皆刑官絕不喜一切
苛深平反冤獄甚眾辛丑上命尚書宋禮採木于蜀本任
輔行烏蒙蠻初不見漢官徒眾舉相驚疑一夕披甲負弩

至同事者愕不知所出公挺身諭以朝廷威德蠻眾懼服叩頭而去宋服本膽畧應變自以為不及也居官清峭壁立然未嘗自廉而汚人曾奉使督辦于太平就居僧舍時所需甚急民懷金求他使者誤投本所笑却之即日徙舍人莫知其故既事竣懷金者顯其事人皆稱為長者當家食時周文襄公巡撫江南操舫艤夜半叩扉本曰此必故人周恂如也披衣迎之促膝深談良久出數伏那啖之盡其風致簡淡如此生平鄭衛之音不經耳靡麗之色不經目親友聲妓佐酒必毅然起避巫覡禱祀絕不道著律疑解畧刑統輯義兩書

顏澤 字澤民永樂壬辰進士授鎮遠府知府府新設民多梗化澤因俗為治奏請立學其化大行陞福安府改

政司參

徐晞 字孟初永樂中由縣掾史入仕初授繕工司都事歷工部郎中英宗即位陞兵部右侍郎奉命簡閱陝西臨洮諸衛軍士尋以邊警佐寧陽侯陳懋鎮甘州正統初召還實授右侍郎復往鎮涼州莊浪諸要害晞奏請建學立師以揆文教尋轉南京戶部左侍郎歲辛酉征麓川命晞督饋餉賊謀間道掠糧晞訓勵士官出兵擊破之餉道

以通試還晉兵部尚書充殿試讀
卷一丁丑乞致仕卒遣官祭葬

黃敏 字叔才正統中繇貢薦任興化府經歷潔廉自持人方莆田縣丞葉謀舞文厲民敏以事械治之後為丞所誣罷歸莆人立碑北郭門外

顧琳 字汝玉少治春秋善屬文父伯常舉鄉試歿于寇琳始十歲問其母曰大人安在母語之故因慟哭復讐

乃白其狀于縣事聞朝廷正統庚申以貢仕南大理寺副疑獄盈案片言立決不徇權璫王振請託已巳之變琳在任鬱鬱作詩貽廖忠愍有托事致諷之義時薛文清官大理見而歎之曰國家養士百餘年僅見此耳密薦為左寺正有徐玉者為內臣所誣坐斬琳核駁至再竟釋之玉父懷念來謝琳正色卻之曰顧法如此豈私汝耶同官惡其異已使人論其縱出琳繫獄數歲日讀陸贄奏議不輟南臺蕭惟禎馬文昇抗疏辨之適英廟復辟事罷仍舊官未幾乞致仕家居十五年閤門讀書口不及世故暇則芒鞋布衣徐步溪谷之間其言曰三徑黃花隨意玩半竿紅日放心眠此可以識其概矣比卒鄉人私謚曰節菴先生著鄉田集平反錄羅志謂掾行孤騫正言不詭近代人物宜

首屈
指

卞

榮

字華伯年二十中正統己丑進士歷官戶部主事員外郎常奉命簡戎馬南畿監稅河西務幹辦金沙洲所至皆能其官善為古詩歌客京邸卷冊填委几上每退食輒磨墨泚筆頃刻數十篇既告歸居陶城私第讀書不倦間入城城中好事人爭先迎致蓋自大江以南南抵越北抵吳無一人不知榮無一家不蓄榮篇什者善飲酒廣筵招之不可得遇知已則竟造索酒或至夜不達旦亦未見其號歎傾側也年六十九卒葬崇禎間石齋集行於世蘭堂其自號也

李

琨

字德嘉成化乙未進士授行人遷監察御史巡按山東羣盜聞風解散奉勅兩廣檢勘公事風裁凜凜時臺臣有冒寵久任納賄鬻爵者琨抗疏劾免之直聲大震未幾卽世琨性質寔不詭隨常慕漢暴勝之為人至城府一謁守令後畧無陳託姻黨或干以事輒謝絕之

陶廷威

弘治六年進士授南京戶部主事卒於官不姓屈名震廷威其字也少孤鞠于舅氏陶祺遂蒙其姓復

恐傷舅氏心不忍悖負遲之而後復為人和易朴質與之處如共家人骨肉居無復設防眇云

薛

格

字平甫弱冠領成化庚子鄉薦弘治癸丑成進士改庶吉士皆閣試中秋無月格詩有云關山有調空聞笛鳥鵲無聲倦倚樓稱為警句授簡討以養親乞歸三年卒初在史院時內廷發小璫聽慧者數人令教習疑難字劉瑾與焉格見瑾語言狀貌語同官曰此奴無善相應此遣之王孺人與聞此語格沒後瑾專權猶念及其子檄府招之王孺人曰爾父當日深惡瑾莫若避嫌遠害遂辭不赴

王

格

字文弼號懼齋篤志好學籍有時名弘治壬子領鄉薦就選南京工部司務時逆瑾用事仕途險媚格堅執素志不緣禍福少阿凡歷再考士論謂其問學有源清介不苟已而擢南京刑部署員外郎尤留心欽恤平恕詳慎權貴無敢干以私者前後在司屬九年乃弘年致仕歸生平足跡不入公府端慎簡重不以色親人有古君子風子莘成進士見政蹟

高

貫

字曾唯與兄賓同舉弘治乙卯應天鄉試己未成進士授工部主事分治三沽河牌多所興革三年改刑

部員外郎執法不阿有千戶張福訟而抗法愬之逆瑾遂下貫詔獄邀重賄將復之貫不應請知遼州已遷戶部郎

陞浙江副使獎廉黜貪各得其情中監某在市舶謬為恭謹而貫故遠之遂絕請託之弊貫天性峭直居官奉職不

少假借至論經術談詩文又鯁鯁忘分推誠也丙子考績京師道卒兄賓先成進士官江西參政弟贊以鄉薦為崇

徐度字克弘戊辰進士初任信陽知州累陞廣東按察司副使自少居貧力學晚歲登仕歷有政聲

薛章憲字堯卿少為諸生退學鄧陽之溪沿聞博物傑然稱佳山水意之所之輒輕數千里赴焉居賓坐中歛肱默坐

古貌瞿瞿人望而欽之所著有鴻泥堂集行于世晚號浮休居士子甲登進士另傳

黃昭字明甫中弘治乙卯南都鄉試第二主司刻其文以程後學明年成進士授刑部主事改職方以才望為

大司馬東山劉公所器重正德初逆瑾擅權逾抗節自守瑾怒一日勅下罷之瑾誅起廣東按察司僉事晉福建按

察司滿使理屯鹽戎務俱疏剔宿蠹披呈隱匿黃田山寇嘯聚有司莫能制聞昭往擒相率散去閩城門卒葉元保倡亂昭行間謀擒首惡難遂平方考績聞太安人訃即日

冒雨跣行哀感行路生平扶植人倫善獎後進未嘗言人過工吟咏尤長古文昭與貢安甫史良佐同在正德黨籍

胡紳賦詩有三虎殿前聲正烈一龍天上膽尤寒之句云史良佐南臺御史正德初與同官貢安甫等劾逆瑾遂矯旨

為家依正賓兄弟居江上因號借山居士瑾誅起雲南按察司僉事晉副使平十八寨首逆之

有差又滇滇池海口得農田千頃上賜白金文綺奏上賜白金文綺

二十餘年卒時惟以不能厚事恨所著有奏疏及雲望吟稿行世孫繼勳明諸生乙酉之難

湯沐字新之少有文行治丙辰進士授崇德令入感之為立生祠擢御史按三晉舉彈無所避陞湖廣按

察司僉事值逆瑾擅政怒不已附斥為義令瑾敗起為廣東僉事督理鹽政釐剔奸蠹不畏強禦陞福建按察司

副使會大計楊文襄與銓政薦沐才堪公輔尋轉江西按察司陞浙江廣東

靖改元陞右副都御史巡

一四

撫貴州再巡撫四川
 藩皆討平之乙酉拜大理寺卿
 合高皇帝所定臣死不敢縱舍啟奸宄之心傷平明之治
 用是三奏讞三不稱旨與尚書顏頤壽都御史聶賢等同
 得罪免官家
 喪陳淑人即不再娶
 人班
 通籍
 扁書
 然隆
 曰存
 曰處之奏
 父斌同舉應天丙辰成
 節愛而精心搜剔有
 壽寧侯張鶴齡
 應壽寧侯張鶴齡
 世廟嘗親為

貢安甫

神明
 驕恣
 次骨
 事下
 疏留時論歸之逆瑾擅政輔臣劉健謝遷相繼引去安甫
 與南給事戴銑南御史薄彥徽等交章力諫臺疏出安甫
 手畧曰近月以來每聞陛下視朝太遲游戲無度
 官馬永成劉瑾等走馬擊毬放鷹逐犬劉健等身

之官受先帝憑几之命無計回天興言去國若使遽聽其
 長往恐股肱之體日削肘腋之變旋生願陛下自為計疏
 入瑾大怒矯旨逮諸言者發鎮撫司考掠無數安甫楚不
 勝意氣自如旋收錦衣獄久之會主事王守仁疏救廷杖
 三十發編戶安甫自是直聲動天下歸家杜門養病終歲
 不入城市瑾誅詔還言者官銓部屢推不起再以言官薦
 起山東僉事不三月引疾歸安甫性負骨鯁見正德中時
 事不可為輒裂眦出血叫呼不已居家以孝友聞同時列
 黨碑者主事黃昭御史史
 良佐皆同邑人另有傳

劉乾

字克柔號毅齋弘治己未成進士授戶部主事勤廉
 公明遷郎中出督糧餉者五累疏言邊事切中利害
 督餉薊州逆瑾嫉其亢直使人縱火延燒屯糧馬草坐罪
 逮繫幸事白得不死改武選釐正選格請托不行歷官光
 祿寺卿陳言二事其一以勾稽往牒立條例慎出納其一
 以本寺額辦者醪歲輸費數萬請移北寺為便詔從之著
 為令歲省費十倍因災異自陳致仕卒欽賜祭葬平生好
 納名士性坦直不喜苛禮言多直吐奉二親生隆祿養死
 盡哀毀同年倫文
 叙為作忠孝傳

張 袞 字補之中正德辛巳進士改翰林院庶吉士陞陝西學士掌南院以太常卿掌國子監祭酒為頒歷諸生失儀降南京光祿寺卿致仕在翰林十四年值世廟右文明大倫正大祀皆與議間有不合輒具條奏未嘗阿徇一主春官試兩分校春官試一總裁北畿鄉試先是議禮諸臣建議侍郎何孟春員外林惟聰等抗疏忤旨無敢申救袞獨上疏請釋復奏罷陝西織造止雲南採取撤浙江內監性孝友所遺先業悉讓兩弟為文章雅尚謹嚴嘗修江陰縣志簡而有法所著有水南集行於世

曹 弘 字毅之父忠以進士起家少聰慧弱冠為縣諸生文譽日起正德丙子舉應天明年舉南宮庚辰調知南豐縣南豐負山多盜弘至遂不能為民害為政務先禮樂表曾子固之廬為後學勸擢山東道御史抗疏劾權貴不避奉命按四川軍伍適獠人犯關設策勦平之事聞賜白金文綺以母老請侍養歸甫二年當事思其賢方復召而卒年五十平生寡言笑於人落落詩詞通古作者云

蔣舜民 字虞中正德丁丑進士初任新豐多惠政均田賦蘇甲里修馬政撫逃民除驛弊而均田之制使民得安

生流亡歸業迄今賴之以不徇勢宦囑託曲為下石先是御史王溱母弟殺人舜民依律成獄溱遂奏其均地變亂成法下撫按公勘俱白其功猶僅從常調轉真定同知督撫委以邊防遂上事宜七十餘條兼以五臺木稅屬之文官遂除宦官剝削之害太宰王瓊知其廉能擢浙江僉事復以執法出罪忤上官論調浙紳在朝者力辨之請山西僉事督理屯政積弊一清舜民素嫺兵畧見雁門形勢思傲木牛流馬車戰火攻之制事將成以失迎土官致仕歸

吳 崑 字仁夫正德初由歲貢任撫州府學訓導持已莊敬率家人以孝弟與其弟白首同居可以媿世之分荆

者 燃荳

張 誼 字惟正嘉靖初由歲貢任開州訓導陞合州學正性

乘著宗儀二十條以訓族人又讀史得偶語為編曰讀史類聚三十卷雖里塾稚蒙皆可誦習

劉光濟 字憲謙嘉靖甲辰進士授戶部主事轉員外郎中出守衛輝內艱補濟南擢山東憲副外艱補浙江轉江

工 會 系 志

卷 十 六 鄉 賢

七

西叅政遷太僕寺卿晉都察院右副都御史巡撫江西所
至各有聲績在戶部時奉命摧臨清剔蠹孔幾盡值庚戌
之變大同勤王師首至廷議遣郎一人餉之勢不可前諸
曹郎面皆土色光濟毅然請行竟達命雲中軍士權聲如
雷比歸家人驚喜出望外在南贛時大旱民有種藍者二
千餘人壅上流以溉下流之農亦聚千人往爭不勝撫臣
諭之不聽遽上章告變詔討平之發兵有日矣光濟惻然
曰民爭水利耳何至拒命請往諭之其人初猶露刃自衛
見光濟輕行乃來謂光濟具悉其禍福其人咸搏顙自悔
羅拜馬前曰惟公生我光濟以其二魁還謁臺杖之數千
衆遂安嘉靖末民苦賦役光濟撫江西定賦役奏聞通行
天下事載會典中至今遵行之名爲南京戶部侍郎明年
改吏部再晉南京吏部尙書轉兵部叅贊机務時江陵奪
情議起僉都王篆欲光濟首倡合疏光濟堅執不肯列名
曰天子留相國以情我曹當持之以禮江陵聞而銜之遂
嗾御史曾士楚論歸累薦不起萬曆甲申卒於家廕嗣構
難失職卹典不舉生平著述多散軼不傳

薛甲 字應登章憲子嘉靖己丑進士觀政禮部試時政論
第一授兵科給事中時方士邵元節用事表裏貴溪

甲四疏指切時弊而排斥異端尤切貴溪惡之嗾黨論謫
湖廣布政司照磨後擢四川淑盧兵備僉事江西分巡南
贛副使在淑盧解蒙撒數世之讐靖永播方萌之難在南
贛誅葉廷春之負固招羊角水之堡城而贛故王陽明開
府地喪其法行之勛績最著以忤分宜相歸會倭警甲倡
議城楊舍邑令錢鏞死難甲從亡卒中認其屍哭而殮之
其學以紫陽爲宗取象山陽明而叅伍之嘗謂敬吾未能
姑以畏階之而自署其室曰畏齋所著有四書日義心學
淵源錄心傳書院講義易象大旨緒言藝文類稿諸書行於世

趙與治 字道隆嘉靖癸丑進士初師事胡太史正蒙胡欲汲

不私半鑑會大計分宜相當國筐篚填溢與治但循例投
刺大忤相子屬銓部調蜀之廣安薑桂性成事上官亢直
不阿禦豪猾懍懍三尺從事發巨室俞某奸狀俞因募善
水者斷其舟維於瞿塘舟幾覆與治白當道置之理御史
行部奸胥輒勾訪羅織廉得其主名榜掠階下衆皆懼伏
逾峩嶮采木從者三十六生還者僅五人與治亦中嵐瘴
幾殆居六年不調已陞襄陽同知遷南戶部員外郎尋轉
武選聞母病歸遂不復出宦游僅十餘載家居四十年當

道屢推轂不顧也家徒壁立父別駕鐘貽田二頃終無所
拓布衣蔬食往來城郭野水孤航值風雨一平頭張蓋坐
其上見者不知為官人也邑中利病必與守令面折或貽
書譙讓之歐陽郡守曾延修郡志年八十八卒無子產簿
不能具喪葬憲使同安
蔡獻臣經紀之銘其墓

張汝翼

字雲程邑廩生七歲從師受書至父母之年不可不
知輒流涕被面師問之曰吾父年五十一母年五十

矣父嗜酒預以修金付酒家聽其飲母隕于羨終身不啜
羨歲飢養姊及甥于家妻子分漕覈而食生平謹言慎行
入孝出悌遇人無賢不肖一飲以和雖橫逆處之恬然也
饋之以不義則辭召之以非禮則遁至老講學不輟時論
學者方以悟為宗汝翼獨不善嘗言操戈紫陽以投時好
即取捷徑吾不願也每對諸生輒與談古人行誼務使其
人有所興起儻有越檢必反覆曲論出自至誠令其愧悔
而後已晚年一日忽自笑諸子問故曰覺生平殊無可恨
耳其自信如此

趙用賢

字汝師叅議承謙子先世為宋宗室有士鵬者守江
陰軍因家焉後徙常熟用賢少有才名登隆慶辛未

進士選庶吉士第一授檢討萬曆丁丑江陵相不奔喪臺
省保留用賢抗疏請聽終制拜杖闕下為編氓矣未召復
原官晉中允時遷入輻集欲反江陵政而江陵舊人猶布
滿九列因倡黨人之議用賢疏極言黨禍與吳編修俱乞
歸不允後晉洗馬祭酒歷官吏部侍郎與選郎顧憲成辨
論人材以進賢退不肖為已任竟用讒歸先是拜杖日封
敗肉如掌陳夫人腊而藏之每見其嚼齒擊案輒奉饋進
曰盍為餘腊地乎雖為之斂容歎息終不能改也其為文
章博達詳贍尤長于奏疏尺牘有文集
行于世贈太子太保禮部尚書謚文毅

繆昌期

字當時少善屬文以名節自砥萬曆庚子舉于鄉歐
陽郡守屬定崇祀先賢錄推惇史焉癸丑成進士選

讀秘書與楊漣左光斗善乙卯挺擊事起昌期語人曰一
御史以風癩兩字出脫亂臣賊子一御史以首功奇貨四
字抹殺忠臣義士蓋指劉廷元劉光復也又與趙南星聲
氣相應而毒螫南星者為劉文炳廷元即啖文炳劾之甫
拜簡討即移疾歸天啟辛酉補官典試湖廣論以周公愛
君為題程文有仇士良趙高等語大觸魏璫忌時璫漸驕
橫昌期告枋國者謂三公老臣當以去就爭之無使中
人手滑枋國者迂其言頷之而已再晉贊善諭聽時銓部

院科皆屬同志澄汰品流多預其議楊忠烈二十四罪之疏八傳出昌期手名賢次第斥逐必匍匐都門灑涕言別瑞更嚙之次骨中旨勒令閑任丙寅春與周宗建同逮言其補服黃蓋開館招賓蓋羣小羅織語也中途作自序干言及下詔獄瑞屬獄吏鍛練楚毒備至坐賊勒限追徵不少屈但呼高皇帝之靈而已四月二十九日橐籥中傳片紙出自是遂絕獄吏以死上竟莫知何日也歛時十指墜落諸子捧掬納袖中聞者無不悲痛天性純孝父末疾臥蓐十七年每中夜警咳必整衣起立牀下友人錢謙益為狀曰邇公之為人篤于君親重于名節厚于朋舊慎于取與是其所長勇于為人急于嫉惡疎于防奸忽于酌物是其所短數語蔽公生平矣崇禎元年贈詹事兼侍讀學士賜祭葬予三代誥命蔭一子入監讀

李應昇

字仲達弱冠補諸生第一萬曆乙卯以禮經魁南國丙辰復魁禮部所著制義名自携草清真簡貴學者

宗之筮仕南康府推官一辛卯決積案六百餘出寬民江九五等一十九人在事五年止飲瀑泉勺水民歌之曰前林後李清和無比前林者閩中林學會也撤湖口關稅復白鹿洞書院延生徒講紫陽之學其後郡人祀之洞祠成

午及天啟辛酉兩分枝江右東粵所得多名彥拔張弼下落卷中領解額傳為盛事擢福建道監察御史以激濁揚清為已任多言人所不敢言首陳保身及內操以清政勝再陳吏治民隱以固邦本其大快公論者叅魏廣徵魏忠賢崔呈秀救萬燦封事在國史中高忠憲掌院應昇管章奏倚如左右手呈秀被劾暮夜就邸乞哀正色拒之呈秀被黜銜恨與援復起嗾黨曹欽程誣論削籍丙寅復以織奄李實誣奏與高忠憲周忠介同被急徵時緹騎旁午民間義憤填胸應昇慮人情叵測聞命即先入郡與親知訣言笑如平時及開讀士民環集攘臂欲甘心旂尉應昇搏穎丐免旂尉亦氣奪踉蹌去既赴詔獄五毒備至坐贓四千金嚴比月餘同年及門人募貨輸應卒不能免將死其兄應炅在橐籥遺書訣別併寄詩友人蔣允儀有他日蒙恩弛黨禁老親穉子待君看之句天下聞而悲之時年三十有四自少風骨凝峻居家則恂恂如處子事父母至孝尺帛斗粟不以自私必稟命後行與兄應炅情好篤摯傷季弟早沒獄中猶為作壙記諄諄以遺產均授為囑重師友篤氣誼少從武進吳鍾巒游被逮候命寓其家以幼女許配其子鍾巒亦不以檻車在門慮及鈎黨人兩高之崇禎改元追贈太僕寺卿謚忠毅著有落落齋集行於世

袁一驥 字季友其大父甫有還金之德甫生三子長堯臣次舜臣俱膺鄉薦次禹臣為郡庠生一驥萬曆癸未

進士以年少告授順天府學教授陞國子監助教既轉禮部歷儀曹祠曹請建儲請日講請復建文紀號即奉旨改

正尤有功正史晉東省憲長聞父病乞歸不遑候命直指論調甲辰起補楚臬會有楚藩之變得與讞事特從寬議

其父在署病乞請當道扶持南還遭喪哀毀盡禮服除補閩藩右轄轉左轄癸丑以僉都撫閩時稅瑞高家橫恣商

民共苦剝膚一驥先有禁販罷稅之疏復縛其羽翼答繫榜禁瑞瑞卿之一日商民以瑞取肆物不貲一錢不與羣起

赴愬瑞乘國喪撤衛擁眾突入撫署劫一驥勢洶洶一驥挺身揮論之會官兵環集眾乃散疏開凡五上責索激變

撤回閩人懼呼動地一驥即六疏乞歸奉旨褒以撫閩有功合入閩立專祠祀之一驥性溫樸無競在官不入苞苴

在家不後輿從茹澹服素無高貴容方需用驟病卒

言 子員隨以閩郡第一食廩餼戊子舉鄉薦壬辰成進士初令慈溪捐俸遷縣治民不知役至抗節抑礦瑞片言定軍變立徵解法以除民累開杜白二湖以興民利作興

文學劉曹歸時無以為裝貸諸鄉里癸卯由南刑部郎出守南昌絕權貴之居間清宗祿之冒耗忤新建相左遷汝

州歲大旱徒步雩禱四出拯濟謂民命重于官守不候命旨先發帑金全活萬計而復書院通水利擒盜魁治巫媼

政蹟尤奇既以戶部郎督餉延綏奏捷奉旨賞功晉級丁艱起以職方郎副浙憲力疾詰戎有四川大祭之命卒于

金華道中慈汝士民聞而哭于生祠各請祀之學宮言生平恬淡寡營清執有守居官居鄉俱實勝于名裏浮于表

所云沒而祀于其鄉者如言信無愧與

貞修齡 字國祺初名萬程御史安甫四世孫十歲能文萬曆已未進士筮仕知東陽縣草羨耗蠲贖緩撫流亡

干請積弊一清攝篆義烏治行一如東邑兩臺三薦卓異士民畏壘祀焉乙丑內召已注銓部奄黨有齷之者遂補

刑曹引經斷獄時稱明允晉少叅董浙漕陋規鑄削至盡再副閩臬以介直忤漕憲投劾歸里居五年復起江西少

分守湖東單車就道清捺益勵意與江撫某不合遂解校鄉會試所得多知名士生平孝友性成居身

行善所著詩文堂諸集行於世

先世素封至其父以役廢產樹芳少食貧以授里中所造就多名碩繆太史昌期其一也
 膝下三上公車即謝不赴隱居昆山東麓數十年按部至者必折節式廬侍御郝彪佳劉興秀給諫胡永順並薦于朝請如陳憲章吳與弼故事樹芳若不聞也歐陽郡守郝大令前後聘修郡邑志年八十卒著
 消渴集詞林海錯女鏡奇姓通譜諸書

戚

勲字伯屏號羽明孝廉士騏長子弱冠補弟子員已乃以例入南雍授中翰欽命督闈餉事竣有辭朝兩疏一言江防萬難稍緩一言率舊章之可行補新例之未足下開進賢之路體待用之心情辭懇摯皆關切要遭家末造格不行乙酉之變勲在圍城中義不忍去與父老子弟死守八十一日城破積薪繞屋焚香具朝服北向再拜呼烈皇帝大書樓之壁曰我雖不能為大明忠臣亦庶幾為大明全髮之鬼以見祖宗于地下也遂縱火闔室自焚死一門死者凡二十一人其所題壁至今屹立風雨中見者為流涕焉事詳其弟藩行述中

國朝

朱

衣

字子吉明舉人士烈子生平閉戶窮經無他嗜好遇人也不驕不諂尤喜談詩謂明詩自七子之徒自位置恥言大歷以下未免摹擬失真而竟陵詩歸矯枉過正又流于纖與僻矣與同學程如嬰用輯明詩歸若于卷仍竟陵之名實則反之將以去其非而歸于是也衣故貧傾貲刊刻家益落而衣自怡然嘗以官賦急從人貸歸中道見有鬻畫冊者遽重價售之袖歸笑曰為兒曹開文思也又於除夕獨登君山坐臥大石上賦詩自樂其意致如此所著養齋詩稿藏于家有子七人皆成名廷鉉王戊進士見政績傳廷錦辛酉舉人廷錫太學生皆工詩然錦主壯麗錫主幽潔蓋得衣之一體云

徐之龍

字仲升號玉霖先世自莆田徙居邑之西洋里弱冠

縣為榆林肘腋繫帶長城兵燹後雁戶流民屢驚風鶴之龍至撫之以恩練土兵以備草竊巡撫董公倚如左右手庚寅春逆賊王永疆高有才倡亂哨黨攻城之龍率其子廷論寵綸擐甲枕戈嬰城固守久之力不支城陷賊劫之子令脇從不屈賊猶縻之未即加害八月大兵壓免遂加刃之龍併及其二子家屬十一人皆被

犬哀勵事聞贈山西按察司僉事子祭葬廕一書按之龍五子其二子既從死叔子錫綸聞

因遂無子以問關訪父骸骨中途又故其弟琬綸鳴綸復相繼

者多陰持兩端獨之龍奮不顧身全家遇害其義烈視睢

陽無愧而郵典甫下諸子繼亡輿櫬未歸忠魂飄蕩其可

楊名時

字賓實號凝齋自幼就學即以聖賢自期待弱冠遊

午舉於鄉明年以會試第三人選庶吉士座主李光地號

聖祖特旨召對

降諭褒美充

日講官

起居注會順天學

特命補授逾年超陞侍講連丁內外艱哀禮並至服闋召前

世宗登極

御書清操夙著四字賜之連擢兵部尚書總督雲

貴吏部尚書皆仍管巡撫事雍正六年坐事落職聽勅承

聖哲相傳性命道教之旨益深探而力索之今

上御宇首以名時誠樸端方

事仍直南書房侍皇子課讀受事後日以講明理學

上心甚悼發帑遣官經紀喪事予祭葬既奉

謚文定按名時幼端厥志長勤於學醇質茂行蔚為儒

宗有遺集若干卷凡所著述皆本之躬行心得之餘歷中

葛邲皆趙宋名臣均謚文定至名

論曰古稱鄉先生沒而祀於其鄉誠重之也推於鄉達於

憲以請於朝幾經核實而後入焉豈以名位與勢力爭哉

公論定而為子若孫者轉不得過而問雖後裔式微不絕

若髮其真賢者固不得而泯也孔子曰斯民也三代之所以直道而行不其然乎然始未嘗不謹嚴而其後乃稍冒濫也當明中葉鄉賢亦幾雜矣賴繆文貞公一書而祀典廓清至今躋之其所留者嘉言懿行一無間然俎豆不祧有以也我朝若戚中書之忠烈楊文定之勲名追配諸公豈不卓哉其他學問文章可稱者不乏獨援文貞之論例之或不無軒輊於其間非刻也夫懿好始於鄉人而曠典錫於天府近奉

上諭非題定不得與進退予奪誰敢專之故標其久經題定者著於篇餘則列其名於鄉賢祠下而各從其類分見於儒林文苑諸傳日久論定向有待焉

列傳 孝義

宋史作孝義傳而其持論則曰冠冕百
 防百為莫大於義先王興孝以教民厚
 以教民睦民用不爭孝義之並稱也尚矣然
 則品亦有等差孝之至極於明天察地而子職之
 者亦未始非孝也義之至極於濟物利生而
 紀者亦未始非義也十室之邑忠信斯在採
 以示風勵焉寧必曰古今人不相及哉

宋

耿軫 弟角侍郎乘孫博士羽子也並以孝聞理宗朝
 徵辟以養親力辭時賢上官均滿中行顏其堂

清各贈以詩均詩云遠山終日自清輝縹緲喬林野氣
 秋菊已開陶令徑春風好舞老萊衣溪頭釣艇資閒興
 下歸禽伴息機吟倚醉登堪自慰不須悵望白雲飛中
 詩云密牖踈櫺次第施却寒清暑兩相宜惟知堂上雙
 樂不覺人間四序移美酒先春和氣滿茂林亭二綠陰
 開居就養如君少無負南陔孝子詩名流和韻者甚衆
邱定夫 字景游密四世孫元初錄宋故官子孫授
 知以疾辭職與兄揚州教授景唐弟松鳴
 三人同居一門之內怡怡如也
 二子堅基皆官文學克世其家

元

李辰 字吉父家貧力學敦志節有司交薦其才
 郎史錯編校改叅制司幕府事以母老歸養
 經不釋寢苦蔬食廬墓六年絕意仕進鄉邦賢之

惠希孟 字秋厓博學好古過日成誦性復純懿生平友
 篤兄希賢弟希點皆無嗣希孟奉兄如父撫弟如
 著家範五卷雜體纂
 要易象鈎玄數十卷

章齊 字敬叔袁州知府庠之父陸文圭孫婿也
 成不仕元琴書自怡元季父文避寇死
 失屍所在齊旁求不得絕粒哀慟閱七日書

子庠擲筆而逝以避亂松江空廬涇洪武甲乙
 文衣冠及父齊樞葬之君山先
 龔張庸程可為志王逢有詩

明

吳運 洪武間人八歲喪父祖父母老而瞽母邢氏孀
 每晨出販果餅以資養母嘗仲夏抱病渴思冰

禱於天呼號幾隕天忽雨冰母飲之輒霍然起後母
 木肖像旦晚上食悲思不已部使者以母子節孝

旌門

俞達 明初人少友愛洪武四年兄某服賈遠方他
 監禁連坐當發遣達聞兄孱弱往必死毅然

沮之不應卒往役於濠三載歸里兄
 見之相持泣達畧無德色友愛彌篤

劉羽 字鳳來別號東岡繼武子也繼武中成化丁酉解
 戊戌成進士未幾卒羽時尚幼擢

勸勤曰且休矣無自毀以墮前列乃下
潛潛下正德庚午登鄉薦試進士不第後縱遊齊魯
與樂陵令許公達交善訪之留數月寇適至為許
禦策公如其言賊駭遁許公晉按察備兵武定將上
曰因人之力以享名吾不為也辭以母在此身未敢許
許公強留之一日忽心動適母病書至即不辭徑去由
家居養志未嘗一刻離無何母卒廬於墓側泣血三
年未嘗見齒有高子羔之風焉事見邑人高賓傳

顧

桂

字明卿嘉靖間祖濟父續被怨家陷殺人獄

死渡湖風惡溺不死凡五年又脫其父
於獄李應昇為志稱其有古吉翊風

限

綏

字廷章南垂髫隨父任榮縣幕父在
下失足墮水覺即奮身投江

見父子相抱
數十次第

許

道

字汝達應童

邑事尋
事後母曲盡孝養子二長學問行比子

事詳隱逸無出以兄子諸生國棟為嗣孫
用邑諸生乙酉城變靖節另入忠節傳

徐從益

宋知軍戴後裔孫九歲喪母號泣挽母手欲殉姊
脫之十二歲父邁疾倭寇至家人悉走益哭跪臥所

不起倭斂刀去早失學後通經史罄修
脯所入葺梓家乘請復祖塋人皆重之

殷

善

字斗墟萬歷間人幼孤事母至孝母疾醫禱罔效號
泣籲天願以身代疾遽痊後母卒廬墓哀毀凡三載

里黨以孝行舉力沮之當事重其行
式廬給匾示獎毘陵鄭郊陽為立傳

李光祖

刑部郎貞五世孫年十五失父色養孀母其妻偶失
權於姑遂屏之終身不敢近母愛其弟曲體母意

育備至年屆八旬未嘗
與弟燿祖析爨異財

沈

楷

字可端青陽里人年十三失怙哀痛如成人家貧為
里塾師資以養母母所便安百方營致母疾棄館歸

奉湯藥抑搔拊摩達旦不寐衣不解帶凡九月母卒一
幾絕既葬結廬苦塊其次寒風敗幃樹木搖落與哀號
相應歲大稜飭粥不繼回日翼黑親戚勸之歸不從廬
墓三年有馴雉白兔翔集墓下邑令林公守信旌之

方雲龍 字遠飛 髫年父遊學母病貧不能藥請鬻身取直昇醫迨長販布縷供洗腆父病日昏弱無所覩每旦漱

舌砥之豁然復明母患崩漏幾危束衣藉單偕妻蔣氏臥榻下坐擁起扶者累歲蔣氏躬為浣濯每夕叩首北辰請

以身代母疾瘳邑人為雙孝歌

周宗孝 長壽鄉民事親有孝行萬歷中偶同其戚宿外寢夜半盜入室其父起與鬪盜縛而焚之宗孝持鉄銃奮

身入一擊銃折盜群盜

朱家相 字章甫邑諸生事親恭謹而飲酒無量父疾革瞠目不語家相跪請所欲言曰汝能戒飲吾即瞑矣遂泣

拜受命終身誓不御酒賓朋宴會或強之輒長跪謝家素貧盡誠養母母亡絕粒三日撫兩弟亦以篤愛聞

薛 喪父楊不再娶助兄弟力穡剝棗獲稻以養二人母稱於前志

王之誠 儼居光孝寺巷年十一失母沈即賣菜養父廷舉及幼弟比長日挑江水數十担得值以養父雖冰堅

寒冲冲鑿之弗懈也父好飲必供旨酒飲他所必温酒待每夕俟父睡熟乃就寢朔望必禱神願捐已算以益

賣水值自供膳外或餘文仍歸父橐父衣楚楚而已衣結或勸其娶曰添一口父養必缺惟枯据完弟婚人或

以錢謝弗受至七十餘壽終

范 智 字仲才長涇里民少孤育於范備身養嗣母蔣必節初蔣有螟蛉女欲配之智曰既稱兄妹不

可亂後以貧故終不娶里人名曰范孝癡

徐應徵 父梧官烏程教諭挾空囊歸盜疑有蓄夜半數十人來劫徵恐驚父出迎盜罄已橐予之盜猶欲得其父

楚掠備至繼以烈焰無尺寸不焦卒不言父之所在盜退氣已絕

呂正和 字汝通母潘雙瞽曾遭危疾呼號禱天至嘔血數升躬自祇候扶掖還家不以寒暑廢父愛季子析產時悉推

讓與之父性急人或言色相忤輒唾其面或至裂其衣正和必宛轉調釋衣裂者為完之仍踵門以謝或酒食慰遣

如是者歲必幾見以故其父雖加人不堪而終身未嘗

羅禍萬歷十七年代巡饒學使陳合為楔棹旌之錫以冠
服三與賓筵季子逢字錫卿亦以孝聞崇禎中詔與冠帶
孫安國亦有文行

黃三讓 字汝遜父榮久客淮北與外室生子負疾不歸三讓
走千里迎歸愛弟尤篤析產一視無私萬歷中恩賜

章服邑令
乞言禮焉

於民化 字岫懷生四歲而孤長奉孀母繆竭盡誠孝里黨翕
然稱之當事疊加崇獎賜額曰孝讓足與曰節孝流

芳並額
於家

繆鍾理 字守恒幼失怙恃事祖至孝祖患奇疾思飲鹿血乃
焚香祝天刺臂血一盞以進祖飲而甘汗出淋漓遂

愈又八年而卒居喪哀毀略血數升七日不食祖有愛妾
奉遺命以女道事之有弟妹不率教但引杖自責及成立

授以已產 山私奩嫁之每遇令節及祖父母忌辰則終日
泣號聞分 所嗜好終身不御買祭田供 精探醫理

有名於 化機淵微四卷施藥以濟窮困萬歷末直指
旌其門 心時號養真繼父業崇禎中大疫施藥療治全

活無算天性孝友父產悉讓諸弟而以戶役為已任伯兄
早歿養寡嫂二十餘年撫諸從子女婚嫁皆盡力兩世咸

稱孝
義云

王湛盧 字用予邑諸生事母至孝母毛氏早寡教督甚嚴湛
盧發憤下帷讀書達旦工詩善文母死號慟幾絕既

葬晨夕繞墓慟哭哀感
路人無何竟以羸毀卒

管孝子 名不傳人稱管胖十少失怙母孀居守節孝子朝夕
顛天求損已算益親貧不能娶躬自執炊勉求甘毳

以進三十餘年如一日母以壽終孝子具衣冠殮
後慟哭七晝夜眼血被地竟死母傍事在崇禎間

王大成 性友愛弟某為遺腹子撫之極篤終身不析箸弟有
三喪不能舉為收葬之同時有陳鳳鳴亦以善撫異

母弟妹見
重於時

和 八歲失怙有弟子諧甫四歲就養舅氏家稍長携歸
終身同爨中年喪妻亦不復娶立弟之子為嗣以行

義重於鄉
壽至九十

仰文才 字士奇操履清謹陰行善事孝事孀母四十餘年如一日撫孤姪周卹兩貧妹耄而不衰篤於教子嚴事

師資多以古人為程式

繆應時 字行甫少失恃哀不欲生咯血數升遂成痼疾因廢事節母徐氏色志兼養母以痛姑傷幾病膈食應時焚香告天終身斷腥酒願減年延母算疾篤至嘗母糞察症候

憂勞痛痺不一月而頭鬢皆白母得起至七十七以壽終應時以醫遊公卿間所得悉以供母早晚承顏猶嬰兒也

誠心質行有古人風

崇禎六年奉詔建坊

李 御 唐野人貌樸性醇躬耕孝養母嘗病瞽齋禱於天久之復視父得異症求醫不懈妻孥化之並能竭力承

事二親一門雖穆崇禎九年奉旨建坊表厥宅里

徐時進 字元修曾祖亮由進士授知縣家無餘貲時進為諸生修幹美髯易直退讓奇不炫才貧不挫志博學能

文領案九次與同邑黃毓祺繆尊素黃毓仍袁一驊周之望周有士貢隆教郭明卿結社作文有澄江九子稿刊刻

行世尊素嘗曰得元修如見南州孺子焉其高風可想見矣所得餼廩不脩必奉其父不留寸銖父性任俠浪費輒

盡又曲以佐權母喜女若甥俱養於家赴友急難然諾不欺不以貧為辭十舉不第崇禎己卯春需次當貢而母馮

以疾卒自傷欲養而不逮也號呼擗踊數叫絕越七日一勳什地不起遠近哀之邑令及社友致賻克葬虞山錢謙

益為之志學憲張鳳翮表其閭曰真孝可坊

徐 沾 字伯宏弟與沐字仲揚孿生善繼父志均有孝行嘗讀書於里之永安寺昏必歸省為父時濟濯溺器整

床褥始攜膏油以行兄弟至友愛食不異席出入必與偕崇禎癸酉與沐先捷時愴然不豫兄問故曰吾兄弟不離

跬步今將獨上公車用是怏怏耳遂不赴選兄弟益共奮勵越三年而沾登賢書後沾授栗水教諭亦偕弟行終身

不析爨里黨推孝友焉

韓廷美 字奉泉天性純孝父抱痾衣不解帶者二年父患惡瘡以口吮之壯年服賈秦郵布貨五百金付農戶

旋值洪水為災廷美曰予向鳩形鵠面之人索前逋吾不忍也悉火其券而歸

徐紹宗 字慕疇父入蜀不返遂家偏訪崎嶇十餘年始遇於夔州之奉節縣痛哭迎歸中途父疾作卒於旅舍負喪歸里撫棺哀號數日而卒直指旌其門

劉光祖 字榮先號煬庵少篤學能詩賦遊學海陵負笈問字者數千人性至孝父疾篤衣不解帶鼎革後業岐黃仁心仁術治人無算昔有友人寄千金遠遊者被兵火失去迫友人歸竟變產償之子乎臯字野聞品詣純粹綽有父風繼青囊術尤工投劑輒效貧者施藥療之不索報孫嘉仁有文早卒士論惜之

徐子忠 字懷月與弟仰月友愛篤摯善相勸遇相規終身不異譽

季葵 字子忠號秋崖大泰科之父也坦夷誠實敦行孝弟之色少貧設教里中尤嚴於督子子既貴分俸以供祿養而君布素如故厚其同氣悉先人之產以畀之行以已志未滿為有待鄉人薛甲張袞俱為作傳

蘇伯宗 字汝立家故貧僦居桐樹里九歲喪父震待羸疾百藥罔效念放肉可療煎湯進者三日是旋納飲

食霍然起其先後以割股稱者則有諸生任俠及陳淳等在前十志其人係前代近今補探者則有王之綱又有許詒年八歲母疾到股縣令宋光蘭旌其門曰孩心純慕前論曰按孝稱庸行必欲以割股見難矣故令田沒而不喪然褒之而割是役於名也不褒之而仍割則是發於誠而非役於名也故哀其志而書之又諸生徐標與弟玉光皆少而死孝雖事實無可紀而仍而不削猶善善欲長之意也

國朝

夏禹鈞 字飲和性秉純孝父卓之好潔飲食心親調即梳篻亦躬為洗濯母歿後父苦寒鈞伴父宿父年逾八十

抱病臥蓐侍床第進飲食前後數年無倦色幼精和扁術延診視者無虛日以侍父故竟不為醫問有急而求者祇及近地遠即不應以不便按時進膳也年五

十七卒父卓之侍親疾時亦割股和藥以進

章德培 字上之家酷貧母王氏早寡德培奉母至孝負販所入悉以供母冬夏溫清務得母懽或勸之娶曰吾不

忍增一口以分母養遂終身獨居晨夕必親為母綵廁踰雖極勞苦無倦色

陸祚昌

父沒廬墓期年妻閻氏典史應元女善事舅姑以賢孝稱

徐來清

字頌穆號朗澄順治壬辰進士幼穎異篤於天性倍三親遠邇不果父強促裝夢回鐘曉未嘗不涕泗沾膺也觀政三月親與兄相繼沒哀痛奔歸幾於滅性喪葬甫訖病不起遐邇其憐其死孝云

陳其忠

字丹忱至性過人家貧訓徒以資菽水愉色婉容克盡孝養親患痼疾衣不解帶者經年父痊母死慟哭幾絕寢苦枕塊飲水茹淡一如古喪禮久而不衰祭必竭誠晦朔必宿墓廬號泣康熙二十三年旌表建坊劉伶巷側

陸

利字思義蘆岐村人少孤貧苦耕養母母亡哀毀骨立既葬匍伏塚旁哭曰母在此兒其忍去吾老以死耳眾迫之歸勿聽且曰必欲歸我我其奉母於泉下矣嘆息感泣為壘石作室若茅亭使可坐臥間出為村中

陳

子師每風雨獨攜一穗火走數里就廬以宿每見長蛇墮墓利不因而他徙又有白兔夜嘗為伴朝夕如送迎者居八年以死今秦望山北陶灣之上鄉人猶呼為陸孝子亭云

增

字益侯家極貧竭力以供甘旨母張抱疾躬親湯藥日夜不離及卒泣血吞聲懼傷父心父性喜飲譙親朋家增潛侍門外俟父出執燈扶父歸積二十年如一日父或怒哭伏於地不命之起不敢起父沒廬墓三年晝夜哀號兩目失視未幾復明僉以為孝行所致云

趙

調鼎字義文章鄉里人父海若少以烈氣聞康熙乙卯夏誤留畔犯繫獄而斃母曹氏遣配瀋陽調鼎請侍母

行法不可後聞軍配老者例得還籍乃徒步跡至古城屯始獲見母謀南旋軍配故難之索百金方聽歸調鼎空囊襆被惟持母號泣而已王府庄人見而憐之榜於市釀金數十錠付軍配始得入山海關日負母行三十里體素羸朔風寒雪肌肉凍裂血流至跣母復病留都下半載調鼎抵家告貸迎母歸時年七十餘矣居一歲卒計往返萬六千里人咸稱為萬里尋親趙孝子云按孩提知愛宜盡人可為孝子而自古所傳舜文外不過數人二十一史至

晉始列孝友傳蓋其慎矣唐景行評吳俗云家無不孝之子始長厚之言歟嗚呼近今若陸利陳增趙鼎調之孝亦何間然哉且安得盡如斯人者為之揚扃而表彰之也

徐尚懋 號岐洲父應集為盜劫盜黨行賄坐誣遣戍嶺南尚懋念父老毅然以身代戍所二十餘年艱難備受無

怨色後遇赦免歸訓蒙自給以考終命

沈澗遇 字振公庠生事親盡孝父患瘋疾起居抱持嘗含哺以食父及卒哀毀踰禮終喪不入內室待弟友愛撫

姪授室皆自孝心所推

葉子芳 祝塘人天性醇摯父王林康熙五十一年稱貸往廬家計奉母撫弟為父償貸辭母尋父遍浮江湖歷豫章閩粵子身萬里囊橐蕭條後至浙中遇父於餘姚逆旅奉歸

孝養居數年子芳積勞構疾易簣時猶以不能終養為憾父年八十餘白髮皤然每對人言及子重逢時事不禁泣

然泣下也

蔣之傑 字漢卿赤岸里人少補茂才父邁奇疾嘗藥視糞父壤治葬塋土之日發視成五色虞山錢陸燦為傳贊以美

之其家九成字君韶閣學靜四世孫母患日疾積寢逾年九成哀禱於天寒夜揮淚成冰叩頭流血亦冰忽有人授

以石函開視惟三寸絹硃書日月二字母服旋愈後孝子歿其子恭良謙讓廬墓期年亦

有紫芝生塚群以為孝感所致

湯肇元 字臣尹美丰儀性謙謹多才下人間如也年十七遊

明弟為邑豪所陷文致大辟肇元盡產營救得以生全父哀之欲以兄弟所分產償其半懇辭不受其篤於天性如

此父母歿一切營葬獨任之不問諸兄弟也時人多其才勸之科舉肇元曰昔乙酉兵變閭公集眾守城嘗招我矣

我以父老為辭今應科目是負閭公也卒

不赴試晉陵進士吳本立為作孝義傳

徐鳳梧 字初葦幼克純孝父任俠曲體父志隨母盛嘗拮据

屏當家計母既儉復以勤得疾鳳梧侍奉湯藥旦晚不懈母病篤涕泫泫不休願減筭以益母母畏寒捧母足

臥亦獲瘳疾母亡逾年卒時人咸稱母子賢孝不衰云

孝義

孝義

包廷贊 字貢卿 嗣族人為後同妻潘均能孝養問所欲輒進

臥末十年不起廷贊侍湯藥極誠且敬母佞佛

曲 號有盧為宋神朝正奉大夫諡清孝葛書思十九世

葛如 孫補邑增廣生父葛雨新以亢直為宵小所戕撫辰

承旨析產時盡推與羣季又卯育其姪以成立子寔邑諸

成 帙數十年不倦實能不墜清孝家風云

斗 背將死兆斗同妻顧氏互吮癰血晝夜衣不解帶母

雙 孝顏額旌其門

士氏子 名士奇家朝宗門外順治三年父邁危疾士奇號泣

日身故年 甫十六 字德公邑庠生沉靜寡言篤志勵行以古人為師表

列傳 儒林

自周衰百家爭鳴羸秦六籍灰燼而聖道中絕漢代賈

董匡劉修明經術逮有唐韓愈崇正道以闢邪更五季

之衰僅有存者宋興周程張朱輩出儒宗統緒於是大

明元明諸儒咸有師傅未免意見各出襲訛承謬而儒

術又寢微矣孔子曰十室之邑必有忠信矧吾江山川

清淑詎無聰明樸茂之材造之而體用兼備者乎景行

曩哲洙泗薪傳一鐙未墜梓里間應有人在也我

朝崇獎人倫表章絕業慥慥乎言行篤實者可任其湮沒

無傳也哉

宋

吳漢英

字長卿少孤力學得力於母自欺一語登乾道丁丑進士由廬江簿陞管湖南運司受知陳止齋先生率

諸生從之講道嶽麓累官大宗正丞兵部郎官奏安邊十策及更化三劄皆嘉納施行會言者詎為偽學論罷主管台州明道觀閒居六年闡明性理綜攷典故未嘗以書干廟堂及歸置田守祖塋讓已屋以居貧族敦倫修行不負所學因慕陶淵明者歸去集二十卷

王

字逢原籍維揚遷江陰常作孟子講義與王介甫詩文往來而守正不阿介甫重其志行謂為學君子而

不已者也卒時年二十八介甫誌銘其墓

明

章

庠

字景序宋宣教郎建之後父齊字敬叔遭元季寇亂者七日書蓼莪首章遺庠擲筆而逝庠隱居故山講學不仕後卒奉祖衣棺與父棺同葬焉明祖為吳王時至江邑

微行值之與語知其業儒有學詔別其家為儒籍登極後徵之會雲南貢馴象至命賦詩稱旨授袁州知府陞辭賜以一甌賦其到任始發及蒞袁開視則前守以賄敗而刻其皮以納諸甌者也庠悉心為民歲飢饉停徵復便宜發倉賑濟竟以是獲罪卒於官

何遷

字懋益嘉靖辛丑進士任吏部主事歷官光祿寺卿總督漕運都御史刑部侍郎其七世祖貴以萬戶守

江陰遂家焉遷以父調官楚之德安復占籍於楚子孫若生之學覺以圓先生之行靜以專先生之貌望之如名山大川先生之襟挹之如光風醴泉其出與中朝卿大夫遊也冠冕佩玉漢代石渠虎觀諸儒相後先其退與州里同志者相師友也則密契心印妙悟言詮釋膠解凍彷彿乎鵝湖鹿洞之心傳嗚呼百世下過其祠者低徊憑弔猶當立懦而振頑觀此可以知公之梗槩云

湯明善

字汝一嘉靖庚子舉人究心理學私淑王文成初署教湖之長興湖俗親死停棺者什九明善畫地刻期

一日而瘞埋其親者數百家戊午校士蜀闈號得人制府胡宗憲聞其名聘修浙通志手輯五倫分疏學禮葺要二

書士林傳誦擢卽墨令多善政尤加意學校捐俸建奎明樓轉倅嚴州却金理冤獄丁艱補湖州轉袁郡丞遷淮府左長史三年以母老乞歸加四品服致仕卒年七十

袁舜臣

字承華父甫有還金之德生三子長堯臣次舜臣同補邑弟子員嘉靖甲子耿公楚侗視學吳中拔舜臣

第一是秋中鄉舉堯臣於萬歷己卯舉北闈授徐州學正擢魯山令歲飢人相食以心悸成疾三月乞歸舜臣之學自天文地理以至曆律兵刑之類罔不究習為天文四季圖推明歲差之法律呂等書則截竹加黍驗之得聲氣之元有出於邵蔡諸儒所未講者五行棊譜一藝事而數窮變化析奇偶之秘疾革握堯臣手言古樂不作久矣天果無意於斯也卒無一語及家事年僅四十季為禹臣郡庠生生僉都御史一驥

李如一

字貫之曾大父詡字原德郡庠生積書研誦尤潛心性命之學著有世德堂彙戒庵漫筆謝生果果生如一少為邑諸生多識古文奇字應鄉舉不中罷去自詡以來所積書日益多做宋晁氏尤氏目錄白為詮次發凡起例井如也謂朱子於戴記未有成書網羅鈎貫撰禮經緯正一編生平事祖父父母竭盡孝敬冠婚喪祭一遵古禮

晚與虞山錢受之謙益定交虞山謬明史訪緝后妃事

十二傳以助焉崇禎庚午卒年七十有四受之志其墓云貫之窮老盡氣搜緝聖賢遺聞聚之多讀之勤而守之固斯可謂強學力行特立不返之君子也所刻有藏說小萃

顧文熊

字乘虬父桂以孝聞生而穎異弱冠補弟子員鄉試中副車不屑揣摩以希遇合少治禮經患陳澹集註

多缺誤因參稽眾說分章疏解至舊註喪禮多畧乃以儀禮士喪禮及喪服經傳攷据鄭注及賈孔二疏補其未備各集解行世又以禮運意義精深作或問以發其妙得天文之學於邑先輩袁舜臣作曆象圖書三攷象緯圖說他所纂著有孝經內外傳小學簡註翼圍新書脉學指歸本草詮要李忠毅公應昇從授業嘗謂先生之傳不專在集解其為人也篤行自足不朽云

陸文明

字瓊臺由里山人秉資高邁讀書每寓日終身記憶始為諸生刻意帖括得朱子近思錄讀之大悅乃徧

求理學諸書研精其旨年二十二通周易過梁溪會講東林涇陽顧公聞之大驚曰子後當為大儒幸自愛遂訂交筆札往還商畧無虛日著周易大意擁臯比為人講易自廣陵渡江負笈相從者接踵璫禍起東南南壇坵俱罷或勸

之謝遣生徒笑而不應病臥床上諸弟子猶環侍講論不輟卒年六十餘

高自卑

字尚矣號道甓居邑西白石山補郡學弟子員年少高才揮千金購書淹洽自喜為文奇肆不拘繩尺結

交皆當世名人鼎革後盡棄夙習閉門授徒潛心性命生平尤多識奇字攷核音義訂正筆畫著字書綱鑑千字文同音通釋若干卷又刻其詩名獅山詩史十五種年至七十有二自為文志其墓而卒

國朝

孔興綱

字蓼園其先有名屋者紹興間以統制守江陰軍遂家邑之梧塍里十七傳而至興綱年十四為諸生言

行篤實讀書不事詞章留心經濟片邊防時務靡不講習中年究心性命之學聞交城宋君名召時旌得濂洛正派徒步三千里訪之君名告曰學者多說一句話無如靜讀數行書多縱一時日無如內觀片刻心違材技無如養度量後嗜欲無若探義理伯夷隘不可以待人然可以持身柳下惠和不可以治心然可以處世歸而書諸座右終身誦之陸桴亭世儀倡道婁東復從之遊時年五十三長桴亭五歲執弟子禮惟謹桴亭語曰聖學以居敬為本以躬行

實踐為作用治國平天下雖存乎遇合至修身齊家則儒者現在之經綸也興綱守其言而見諸行敦睦俱有實事

著四書講義二卷求野齋詩文十卷卒年六十九子毓璣以甲科授官常山令事見本傳

章耿光

字子覲號腹庵明太祖賜儒籍章席之裔孫也資性醇謹鼎革時奉父避兵草棘間瀕於危而得脫弟某

守城死難每念及輒涕流康熙丙午舉於鄉辛亥任徽州府教授訓諸生敦本立品修黌宮置學田創建社學教化一新攝歛縣學篆值山寇竊發或勸少避耿光守庠序弗去及歸郡人設主以祀焉家世曲臺禮因患陳澐集註多舛誤更著禮記纂註頗詳密學者宗之其孫玉樹復以禮經雋王午教授上元縣學曾孫士鳳中已酉

繆弘仁

字膚敏為文貞公昌期之曾孫祖純白父疇咸弘仁幼即端重長為制藝鎔今鑄古不涉時趨補弟子員

第一餼於庠屢試棘闈不利杜門課子潛心理學諸書著有自約言隨筆家訓皆由淺入深以小喻大修己教人之法莫切於是生平敦孝友不言而躬行鄉里稱為長者子誥字繩孫以甲利歷任宜章新鄭令所至清介著聲為能世其家學云

薛元敏 字志粹居鄧揚里少孤與伯兄杞頤同學康熙甲子

金閭齋得程朱正脈往而師事焉講明身心性命之旨乙酉秉鐸鹽城海濱浴悍本躬行為教化士風翕然不變三

署縣篆民懷其德著有教學編息距篇法戒真鑑錄等書居鄉仿藍田呂氏約朔望與父老子弟講解以維持風俗

為已任歲稔良家有鬻其子女者破產贖回卒之日做麓蕭然而已學者稱為鄧陽先生

張光家 字德御邑諸生不沾沾章句留心性命之學從叔有

忠憲公受靜坐之學歸著三戒編光家與弟光庭以講學為事著切已錄有云身無一命非士之賤也莫賤於無片

善之可稱家徒四壁非士之貧也莫貧於無一言之近道又云不定者情也一定者性也聖人盡性萬世皆信其無

欺凡人任情目前亦疑其不測其格言各論皆此類

陳其難 字克艱邑諸生志在博聞強識凡三通七畧之書購求滿室鍵戶記誦遡流窮源矻矻終日晚年潛心濂

洛關閩之旨慨然以道學為歸宿又以易者象也為易經圖系圖說獨闡天人精蘊大中丞儀封張公學士揆公前

後延致講易學博士翰林鮑開邑先進楊文定公感心折焉生平與修邑乘者再齒登大耄日夕高眠遇執經問難者就榻前手畫口授無

倦色至九十七而卒

徐世沐 字爾瀚邑諸生沉潛好學自成童迄耄耄未嘗一日義統名曰惜陰錄別為心性圖二卷性學吟四卷分晰異

同多先儒所未備窮年鍵戶纂述外人罕見其面當道式問學使惺齋李公尤推重之生一子恪博雅能詩文選拔

入成均歷任棗強羅溪令以勞卒於官孫崑補邑弟子員家居聞計赴粵扶父柩亦卒於粵士論惜焉

沈傳禮 字揚戴明兵部主事鼎科之孫少孤嗜學補邑增廣

每逢朔望各質經史及宋賢諸儒語類中疑義若干條剖析闡明著四書辨岐十卷幼學楷範一卷儒書摘要二卷

與弟傳毅友愛體謙謹毅豪邁質性不同而終身無忤色每坐講席清輝照人娓娓善譚各理學者至今猶繫思焉

楊文煥 字堯章赤石山人張元昇稱其究心六經四子之解嘗踞高座說致知格物環而聽者驚為創聞惜年二

十七而歿弟文斐字成章講求理學由高忠憲公復七之法以歸於朱子梁溪顧昉茲恒惺輩推服之弟兄皆惘幅無華不求聞達於時金茂才映日言與文斐比閭者數十年未見其言行涉於欺偽云

論曰前史有儒林無道學至宋更始分而爲二豈道學之外又有所謂儒林歟以其時濂洛關閩直接千載不傳之秘而金谿永康宗派稍殊焉故別之然非體矣至元史乃又舉儒林文苑而混之名曰儒學不益謬乎謂其所操持有不能確指爲儒林也者卽如所載江邑陸梁兩先生著述等身倡明正學詎不欲希濂洛而追關閩也故自陸梁前後其祀於鄉賢者已載前卷其未祀中亦有窮經味道與古爲徒者皆德行之選也作儒林傳不必別標道學之名亦不敢混諸文苑之列人倫規模審在斯矣用冠人物聖門四科固有首及哉

列傳忠節

士大夫尙廉恥而後有名節靖共正直矢諸幽獨兩間
之正氣存焉龍逢比干其所遭變耳士窮見節世亂識
忠豈樂數見者哉善乎劉晝之言曰慷慨之懷忠義之
所聚盡臣節概足示意嚮矣吾江忠毅文貞諸賢宇內
傳其諫書青史記其直節旣上躋鄉賢永光祀典外此
或啣命出疆或授職守土捐軀靖難之死靡一至于鄉
曲之英志在衛國青壇之士嬰鱗觸諱所處不同其感
激赴義一也類敘而揚厲之有以也夫

元

蔡廷秀

字君美以忠號檜巖子也以忠本宋儒西山裔至王時陸文圭子方許益之白雲相友善又與王逢同游雲間為松郡諸生試吏江陰擢浙省理問所知事又移袁州推官時斬寇犯袁有土豪率丁壯冒官兵自署同知州事恣為殘虐與守將計殺之餘黨匿山谷者遂導寇覆陷袁州廷秀被執三日罵不絕口遂遇害初左丞烏古孫良禎薦一區田六頃立義塾部使者以聞賜額澄江書院中祀西山九峯以考檜巖配焉事見虞集伯生記及王逢挽詞而許北郭恕為書院山長有奉陪何禮部劉總管侯治中諸公赴澄江義塾率眾執事行鄉約禮和蔡埋幕詩理幕者以其時廷秀官號署也

晉

字德昭至正壬辰冬十月紅巾賊陷江陰晉有武畧仲子如璋亦英毅相謀晉集勇士保護鄉井時賊四掠晉誘而殪之又陰遣人約官軍與賊戰已為內應十一月八日浙東觀孫統兵入城晉帥所募應之官軍與賊戰不利晉方酣鬪于城北祥符寺前會賊黨自他所來倚其後如璋與家童往援手刃數人破圍而入借父力戰俱沒

丁軍後覓父子屍遺葬喪車相繼邑人皆墮淚曰父死忠子死孝名其里為忠孝里今高巷

明

詩

節 字文度北郭生恕之子也北郭與王逢孫作友善節過庭時聞故老緒言最久詩文皆得父傳洪武以文

學舉起家江山縣主簿尋擢禮部主事有能各時周王薨而馬后猶在上命百官承服節據禮抗疏爭之不納翼日百官喻旨易服入節獨緋衣進見上震怒謫戍五開尉以死論者謂主事卑官罕能昂首奮氣爭辨於盈廷唯諾之時可謂不負禮官矣所著有述古齋集北郭事見鄉賢傳

朱安七

字德剛兩淮鹽運使忠之次子洪武末以才德薦為秦王府紀善建文時靖難師起與都御史茅大芳山

東布政鐵鉉同誓師過之成祖即位戮諸不用命者縲絏以死兄顯字德觀別號安五以才行舉因進四策納用之丞相李善長薦為臨江郡守時陳有諒拔南昌旁郡騷動顯至力撫綏之奏最陞吏部侍郎本泰興人因業江之蘆洲子孫遂占籍焉時馬馱沙尚隸江陰也

黃昭 字明甫

貢安甫 字克仁

史良佐 字禹臣 按以上三公皆以劾劉瑾獲譴具見鄉賢傳

黃正色 字士尚 元末有慶寧有為江陰教諭遂家焉正色祖徙斗山正色舉嘉靖己丑進士令仁和香山南海所

至稱神明南海霍文敏正色故其所舉士霍氏有犯一繩以法諸霍訴之文敏文敏以為賢擢南臺御史前論兵部

尚書張璜武定侯郭勳士論驢之荆山侯崔元巨璜鮑忠禮部尚書溫仁和護章聖八后梓宮還葬承天怙寵黷貨

正色疏列其不法狀忠等乃扶正色於梓宮前乘馬張扇上怒杖之闕下賴文敏力救得成遼正色即囚服上道居

戌所者三十年臺 葺書院居之弗就司馬郎請為乞假弗從遼左士子從之游成就甚衆隆慶初復原官歷陞南

太僕寺卿致仕歸杜門謝客觴咏自適卒祀遼陽三忠祠又祀府先賢祠子學海王戌進士官贛州知府

繆昌期 字當時

李應昇 字仲達 按以上二公死於魏璫之難具見鄉賢

陳震亨 字百里 號沅湘 監察御史 耘之後習制義不售棄去學武備天啟乙丑成武進士練兵湘江崇禎丁丑流

氛逼泗陵奉詔以都指揮調守七月寇大集盱眙按臣梁雲構徵師勦禦震亨慨然曰朝廷重陵寢無盱眙則無陵

寢矣臣子致命在此時也時寇勢方張震亨所率湔兵僅五百殺賊無算殲其賊首八大王賊遂大譟合圍追擊自

灰暨酉飢且渴外援莫至矢盡兵絕為賊射落兜鍪乃裂帛纏首戰益力格殺數十人被執罵賊至斷舌誓聲不絕

死時僵立不仆怒目裂出督臣史可法疏聞詔贈昭勇將軍建祠死所蔭一子

戚勳 字伯屏 乙酉闔門自盡見鄉賢

許用 字考孺 詩人 學夷之嗣孫也 垂髫時拔冠縣庠 天性慷慨讀書通大義 聞流賊陷京師 周鍾項煜輩俱降

賊嘆曰不意名流末路掃地至此及乙酉王師徇常州常州知府已順命四邑俱暨降旗惟江邑未下

乃令方亨入城諭士民薙髮衆不願亨厲聲以危語怵之用曰頭可斷髮不可斷也衆噪而出遂定城守之計居圍

城中與閻陳兩尉商確機務又作城守歌及五更轉曲令
登陣者歌之以相勉勵辭調慷慨聞者感動是以閱三月
衆無悔心及城破用隨母及女

附 楊成

字國用靖難時錦衣鎮撫楊本之五世孫也武備
離嘗以兒呼之錚憤倭焚掠四境集義勇數千人親訓
練成爲選鋒每出陣撫其背曰吾不忍百姓遭此屠戮
願以死救民兒務努力成奉命誠勉軍心無不感奮倭
奄至溥城下錚遣成出禦屢有斬獲賊知有備去掠青
賜成隨錚夜嚙枚追之倭宵遁又引兵自無錫來率水
軍禦之錚射中倭前鋒三人身亦被一矢寇蜂至圍長
吳兌死成負錚渡河而脫乙卯六月十三日倭水陸三
千並至成隨錚出南郊躍馬衝鋒奮呼接戰于九里灣
地險馬小成急下所乘馬掖錚乘之伏起草間前鋒狼
兵二百驚潰成獨隨錚中軍偕陳裕邢惠郭斌及鎮江
義勇金鳴等十餘人怒呼格鬪倭圍之數匝錚不得出
成以身翌并與賊鬪無不一以當百力竭賊麋至戮錚
墮馬成抱錚嬰鋒刃體糜如醢害乃及錚時風雷晝晦
天地亦爲之哀慘邑先輩薛甲有錢侯遇寇馬卒楊成

衛之以身并遇害詩云良成原不隔義勇見楊成有役
聊從主無求肯殉生英靈回亦日風雨慘長江千古誰
知爾丹青爲紀銘蓋誌實也事聞詔耐祭錢侯祠廡
并列靖難之陳裕邢惠郭斌木主稱爲四烈士焉

附 吳兌

青賜團長魁岸有膂力嘗之京遇盜發嚙矢附耳
過兌發矢亦如之盜驚下馬問客何方人曰我江
陰吳兌也盜謝罪去嘉靖乙卯倭再犯江陰兌從錢侯
錚率千人禦倭于石撞統鄉兵百人往馬畏木梁不渡兌
賜復命禦倭于石撞統鄉兵百人往馬畏木梁不渡兌
挾而過之至鄭莊港接戰鄉兵潰兌與鬪倭皆怯多有
失刃者將泗水去水深不可渡登岸復戰會錢侯被矢
羣倭雜至兌當其衝矢足墮水被數刃伴死倭乃去昇
還一日卒錢侯爲文祭之軍皆墮淚明萬歷知縣劉
守泰奏請特祠今青賜市南建義勇祠春秋享祀

國朝

徐之龍 死節事 詳鄉賢

鍾維嶽 字魯峯號泰巖幼時膂力絕倫銳頭猿臂年十二聞
近里有剪徑賊輒獨行往偵之聳身上樹巔一夕見

賊方劫客維嶽大呼躍下直前搏之賊頓首乞命乃舍去
既長治章句慕馬援班超之為人康熙壬午舉於鄉丙戌
成進士請選以兵部銓選紊例徃熟例叩

聖祖見而異之嘆曰壯士賜翎為鑲黃旗侍衛初任四川遵

義府遊擊薦卓異雍正元年擢新太營叅將廣督孔誥補

督標前營兼署肇慶城守副將再疏薦其才授廣東黃岡

協副將委署碣石南澳兩鎮總兵官歷任皆有聲其在新

太草除安南入貢開關茶果陋規造盜甲弓刀四百餘器

械一新居督標巡緝開平獲劇盜百餘地方寧謐及之黃

回遇歲飢米價騰貴倡所屬捐俸買穀三千石建倉賑積

貯借給窮兵米價以平會有忌者據微事中傷之奉

旨調直隸督標未幾逆孽噶爾策凌擾陝西

嶽故以材勇見知于大將軍至則欲倚以立功遂令任固

原城守督官兵進剿遇賊兵擊破之賊遁去會天寒雪其

士卒凍飢裂指墮膚幾無人色或勸之返旆維嶽仰天嘆

曰用兵之道有進無退吾奉大將令來可避賊耶遂進至

巴里坤病發曰已矣此吾畢命處矣竟歿于王事時雍正

六年也子貧不能請褒負骸骨歸聞者悲悼弟維喬字禹

峯亦中甲
午科武舉

論曰國家養士所以勸忠節也况江邑之慷慨激烈出乎

其性者哉顧其所處則有間矣或死或生或濟或否要其

蹇蹇匪躬之誼誠信於士大夫也何必盡同雖然魏徵有

言願為良臣無為忠臣此何說耶嗚呼觀於明季知之矣

貂璫擅政烽火縱橫而致命遂志者相屬也是以疾風勁

草君子悲焉若夫遭逢

聖世而從容盡職襄贊太平邑之良臣美不勝書也其抗疏

闕廷立功邊塞者則以忠節繫之所遇固與前代異矣

